

## Kirito 1954

D'Bauan raman d'Pflia vom Onga,  
und frisch g'weißingt wird is Haus.  
Dirn' und Beirin drah'n an Prig'l.  
– Boid is Kirito.

Geg'n da Nocht tan's Goss'n kihr'n,  
vü fria wird scho Feirond g'mocht.  
d'Kina bod'n's no in Sautro.  
– Moring is Kirito.

Da Pforra predingt b'sundas long,  
von heuling Ulrich sogt a wos.  
Da g'weichte Rauka steigt in d'Nos'na.  
– Kiritosunnto Vormitto.

Z'Mitto da Brot'n, extradick,  
mit Vorschussknedl und Solot,  
dazui a „Greana“ köllafrisch.  
– 's Ess'n schmeckt om Kirito.

Nocha kimmt de Musi Bloat'n,  
spüt a Poika und an Marsch.  
Mit an Glas'l Wee wird oküht.  
– Auf geht's zum Kirito.

Nomitto geht ois zum Festplotz  
– eezeet mit frisch'n Birk'nlaa –,  
Eetritt zoit, hig'hockt in Schott'n.  
– latzt is Kirito.

A Kriag'l Bier, sche koit und foamat,  
fir d'Kina gibt's an Zugastoa.  
Und d'Irkenbursch'n jugatz'n,  
weu 's so g'hert om Kirito.

's schmeckt noch Aant und Stoppöföda,  
noch guida Fexing und noch Göd.  
D'Schui buim krochan mit d'Revolva  
volla Freid' om Kirito..

Und auf d'Nocht tonz'n de Jungan,  
Mensch und Bui tan recht voliabt.  
's Buss'In i da G'hoam, im Finstan  
is so sche om Kirito.

D'Musi spüt bis's omad graupöt.  
De letz'n Trangla wog'In hoam

und in gonzen Ort tramt ois  
vom next'n Kirito.

*05.07.1986*